



Rabu, 22 Pebruari 2023

Ogen: Johanes 15:15



Teman Dibata



Erteman emekap bentuk sada hubungan antar sada ras sidebanna. I bas teks ta ikataken maka kita enda teman Dibata. Banci sipahami kerna kata enda maka kita lit hubungenta si erat ras Tuhan. Sebab labo kerina jelma ikataken teman Dibata.

Jelma sipemenana kal igelari teman Dibata emekap Abraham, erkiteken kai pe sura-sura Tuhan ikatakenNa alu tangkas man Abraham. Mulai kin Ia ndilo Abraham I taneh Ur nari, kerna kai tujun ras kai si bakal ibereken Tuhan man bana. Bagepe asum Tuhan ersura-sura engkernepen kuta Sodom ras Gomora. Arih-arih Tuhan ras Abraham desken sekalak teman. Ikataken Tuhan sura-suraNa erkiteken dosa bangsa Sodom, tapi Abraham nginget maka lit kap keluargana ije emekap Lut ras isi jabu ras sierdahinna kerina. Emaka ipindo Abraham gelah ula min ikernepen kuta e adi lit piga-piga ia si bertobat. Ibas perarihen e, uga nina Abraham idengkehken Tuhan, tapi uga ka nina Tuhan alu patuh idalanken Abraham. Hubungan pertemanen Abraham ras Tuhan terus berlanjut, seh Tuhan mereken kesusuren man Abraham. Amin pe ipindo Tuhan mulihi Ishak, e pe labo lit si mberat akap Abraham meresa man Tuhan, sebab ia tek.

Kita enda pe genduari enggo jadi teman Dibata, erkiteken pengorbanen Tuhan Yesus i Kayu persilang. Adi erteman Ia lit rahasia. Maka Dibata pe lanai bo lit siitutupina man banta. Keleng ateNa simbagesna nggo isehkenNa man banta. Sura-surana gelah kita selamat enggom isehkenna. Tegun Tuhan selaku teman enggo janah tetap isehkenNa man banta. Tading kita genduari uga ngergaken pertemanenta man Tuhan. Sebaik-baiknya teman adalah teman yang setia. Emaka kesetianta man Tuhan tuhu-tuhu perlu icidahken bas geluh tep-tep wari. Kesungguhenta memuji ras mpermuliaken ia. Ngataken bujur ras mpersembahkan geluhta jadi pengataken bujur dengen sijaga kebianta emekap si ngena ateNa. Adi doni enda, teman manusia banci nadingken kita, tapi Tuhan IA tetap setia.